

PETRUS GRADONICUS

D U X XLIX.

Electus die 25. Novembris Anno 1289. obiit xiii.

Augusti . Anno 1313.

INSCRIPTIO ANTIQVA.

*A faciendo salem Paduanos Marte coegi
Vrbem purgavi, propulsis seditiosis.*



MOrtuo Dandulo, Iacobus Theupolus à seditioso populo postulatur in Ducem. Is autem sibi imperare malens, quàm Reipublice cum tumultu, Marochium secessit, ibique latuit, donec Patritiorum suffragiis ex Iustinopolitanà Præturà vocaretur ad solium Petrus Gradonicus ætatis Annorum duo de quadraginta, qui diem S. Catharinæ sacrum festum volvit, uti suæ assumptionis anniversarium. Andreas per id tempus, Rex Pannoniæ, Stephani ex Tomasinà Maurocenà filius Venetum ingressus theatrum non tam domum subiit maternam, quàm signa usurpavit gentilitia, albà tantùm Cruce cum parvo circulo illis adjectà. Sequutum inde Bellum